



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 4. Ordo Eremitarum S. Hieronymi institutus.

[urn:nbn:de:hbz:466:1-66272](https://nbn-resolving.org/urn:nbn:de:hbz:466:1-66272)

Sæcul. XV. Eodem anno Henricus Alphonfi fra-
A.C. 1425. ter e Castellano carcere dimissus refer-
 tur, cujus libertatem Carolus *Nobilis*
 Navarræ Rex indefesso studio promove-
 rat, hoc ipso tamen anno die octava Se-
 ptembris ex hac vita migravit, Pompejo-
 poli sepultus. Successit ei Blanca il-
 lius Filia, necnon Joannes hujus Maritus,
 ac Regis Arragoniæ frater.

§. IV.

*Ordo Eremitarum S. Hieronymi
 institutus.*

*Onuphr. in
 Chron. Mau-
 rol de Ord.
 Relig.*

Sub idem tempus Lupus ab Oliveto, na-
 tione Hispanus, Romæ in conventu
 S. Alexii Ordinem Hieronymitanorum,
 seu Eremitarum D. Hieronymi instituit.
 Is antea erat supremus hujus Ordinis
 Præfectus, qui ad Carthusianos transiit,
 sed paulo post ad priorem rediit statum.
 Lupus D. Hieronymi libros sedulo scruta-
 tus, ex illis, ac præcipue ex ejus episto-
 lis particularem concinnavit Regulam,
 quam Pontifici, cui in paucis carus, &
 quondam Parisiis ejusdem studii socius
 erat, exhibuit, supplicans, ut Ordo suus,
 relicta S. Augustini, quam hucusque pro-
 fitebatur, regula, illam ex D. Hieronymo
 collectam auctoritate Pontificia amplecti
 posset. Annuit Papa, sed Lupus Reli-
 giosos suos graviter reluctantes expertus,
 ab

ab eorum societate sese segregavit, atque in æde S. Alexii juxta instituti sui normam vixit; quam ob rem Pontius Tarraconensis adversus eum strinxit calammum. Sunt, qui referunt, Lupum jam Anno Domini millesimo quadragesimo vigesimo tertio Hispali in Hispania Congregationis suæ prima jecisse fundamenta, eamque D. Isidori Congregationem appellasse, eoquod Conventus ille hoc nomine antea insignitus esset; hoc autem anno Papam illi monasterium S. Alexii Romæ dono dedisse narrant. Utraque autem Congregatio postmodum sub Gregorio XI. in unam coaluit. Ceterum varios sermones conscripsit Lupus, qui tamen typis excusi non sunt.

Sæcul. XV.
A.C. 1425.

§. V.

*Reformatio Cisterciensium, & S. Claræ
Monialium.*

Pari studio Martinus Vargas, Theologiæ Doctor ex Monasterio Petræ in Arragonia S. Bernardi Congregationem erexit in Cœnobio Montis Sion prope Tolatum, ubi duodecim Religiosorum opera adjunctus, Ordinem Cisterciensium ad veterem disciplinam revocavit. Successu temporis hujus Congregationis Alumni Complutense ac Salmanticense Collegium acceperunt.

*Aub. Mir.
lib. 5. c. 4.
Surius in
Martyr.
Instrum.
apud Bol-
land p. 535.*